

Մարկոս եպիսկոպոսի , մեկնեալ անտի եհաս յԱտաճա քաղաք Կիլիկիոյ ունելով ընդ իւր զպատճէն հրովարտակին զաՓարու , և ձեռնտուութեամբ Իշխանաց քաղաքին և գրով Քաղաքապետին տայ արձանագրել զայն 'ի պատշաճաւոր տեղիս ծախիւք ժողովրդոց : Եւ անտի յղեաց զբեռինս իւր 'ի Յոպպէ , գրեալ առ Խորհրդականս գնալ 'ի Դամասկոս եւ անտի դառնալ յԵրուսաղէմ , զի ունէր խորհուրդ ինչ յայտնել նոցա , և անտի դիմեալ 'ի Բերիա , աշխատ եղեւ վասն բարձման Ղաֆարի ուխտաւորաց 'ի կողմանցն և էառ Իլամս 7 . եւ ապա ժողովեալ զազգայինս տեղւոյն բանս արկ յականջս նոցա , որպէս թէ տնօրէնութեամբ ազգապետաց թագաւորեալ քաղաքին 'ի վաճառ հանել զամենայն կալուածս Աթոռոյն որ անդ , զորմէ միաբանք Աթոռոյն եւ Պօղոս եպիսկոպոս չունէին տեղեկութիւն , այլ միայն Ջաքարիա վարդապետ և Գլխաւորք ազգին , զոր և լուեալ յետոյ Պօղոսի և Խորհրդականաց հաճեցան . սակայն տեսեալ զթշուառ վիճակս քաղաքացեաց յերեսաց ծանր հարկապահանջութեանց , յորմէ մեկնէին բազումք , եթող զայն խորհուրդ և գնաց 'ի Դամասկոս և անտի յԵրուսաղէմ : Լուեալ զայս Կիրակոսի եւ Ջաքարիա զայրանային յոյժ , զի մին գրէր 'ի գալստեան Եղիայի՝ պարտ է Պօղոսի ելանել արտաքս , գովով անտեղեակ բարուց և բնաւորութեանց նորին , և միւսն գրէր առ Պօղոս , «Արտասուօք սղերսեմք չեւանել Աթոռոյն , այլ եթէ տկարութիւնն ստիպէ՝ զԿիրակոս եպիսկոպոսն բեր և նմա յանձնեա զկառավարութիւնն , զի օչնական լիցի . զնոյն գրեաց և առ Կիրակոս եպիսկոպոս երթալ յԱթոռն , իսկ եթէ սխալիս ասէ՝ վերստին բերել զԵղիա յԱթոռն , պատճառ լինիս կործանման նորին , իսկ եթէ վասն առնելեաց իւրոց խնդրէ դալ յԱթոռն , նախ առաքեսցէ զմուրհական 'ի նշան հաւատարմութեան իւրոյ , եւ ինքն մնասցէ ժամանակս ինչ 'ի Սիւս , որպէս խնդրէր երբեմն . ձերունի Մարկոս եպիսկոպոսն տակաւին հակառակութեան ոգւով նստեալ 'ի վանս Իւսկիւտարու պաշտպանել կամի զիւրսն » : Իսկ Կիրակոս եպիսկոպոս դժկամակ լինէր գնալ յԱթոռն , պատճառելով զտհաճութիւն ժողովրդոց տեղւոյն , որպէս տեսեալ էր Պօղոս եպիսկոպոս յառաջագոյն , և եթէ մեկնէր անտի ընդդէմ կամաց նոցին ,